

明初刻南軒輕耕錄

采燕榭所藏記

去冬余於修文堂孫安君許見有常熟寄來書單一紙中
有正德刊謫言長語元刊殘本輟耕錄等即囑其寄來一
閱以備言長語已來印收之矣而殘元本則久未至也汝乃知
其佳於吳瀚今日吳佑又來遂又以此本示余即論價收
之取与錢琴銅劍標所藏本對觀板或全同只字画筆
鋒微有異處不知何故滄喜齋尚有元板一部同為十行
本亦未能取校以余目驗此殆有明初禁所刊也按丁氏善
本善室藏志有成化刊本云前有成化十年華亭錢浦序
謂刊於松江郡庠者亦未能定是此本否姑懸一函於此
以待它日考定原書佚字尾三卷尚莫它日更遇殘卷配
全便以暇日取舊紙手錄書亦非難事也余本有五蘭

草堂本一部印已在此不如本遠甚前已与抱經堂主人
易書時換之矣今齋中只有此不全本矣

辛卯穀雨前二日芝山筆記

今日後英氏五十萬卷括所藏或以本是記云半葉十行、廿二字
考之四山且加刻三葉知非此本然則此真元刻矣喜而書此


辛卯三月廿六日書

武進陶氏景元本即十行廿二字本體式未古大似經殿刻

少加勘對異文頗多甚悵無暇作此校書之事也

辛卯の月初九夜坐雨書天已燠暖似初夏矣今年春
天在苦雨中度之令人悵惘 芝山

南村輟耕錄序



余友天台陶君九成避兵三吳間有

田一廛家於松南作勞之暇每以筆

墨自隨時輟耕休於樹陰抱膝而

歎鼓腹而歌遇事肯繁摘葉書之貯

一破盎去則埋於樹根人莫測焉如

是者十載遂累盈至十數一日盡發
其藏俾門人小子粹而錄之得凡若
千條合三十卷題曰南村輟耕錄上
無六經百氏之旨下及裨官小史之
談昔之所未致今之所未聞其採摭
之博侈於白帖研覈之精儼於洪筆

論議抑揚有傷今慨古之思鋪張盛
義為忠臣孝子之勸文章制度不辯
而明儼事根據可覽而悉蓋唐宋以
來專門史學之所未讓雖周宣之藏
郊子之對有不待環轍而後知又豈
拉掌談咲以求賢於優孟者哉九成

名宗儀少工舉子業晚乃棄去闔戶
著書此其一云

至正丙午夏六月江陰孫作大雅序

南村輟耕錄序

南村輟耕錄總目

卷之一

大元世系

列聖正統

氏族

平江南

獨松關

溯江潮

宋興亡

萬歲山

大軍渡河

檄

朝儀

科舉

江南謠

白道子

官不致仕

谷刺罕

皇族列拜

內八府宰相

云都赤

大漢

貴由赤

昔寶赤

卷之二

聖聰

隆師重道

受佛戒



戒御膳

聖儉

后德

端本堂

徵聘

治天下匠

以官為氏

受孔子戒

不食死

染髭

殺虎張

御史舉薦

切諫

丁祭

高學士

大黃愈疾

置臺憲

內御史署衙

令史

臺學

詔西番

五刑

錢幣

巴而思

善諫

使交趾

刻名印

國璽

宣文閣

占驗

權臣擅政

懷孟蛙

賊臣攝祭

叛黨告遷地

土人作掾

蕭先生

端厚

馬字

卷之三

正統辨

貞烈

岳鄂王

木乃伊

卷之四

發宋陵寢

相術

前輩謙讓

不苟取

論詩

妻賢致貴

奇遇

賢烈

挽文丞相詩

禱雨

廣寒秋

無恙

不亂附妾

卷之五

角端

劈正斧

興隆笙

尚食麵磨

僧有口才

鄧中齋

汪水雲

厚德

毀前朝玉璽

披秉歌訣

三教

授時曆法

功布

人中

發燭

嫁故人女

平反

勘釘

碑志書法

雕刻精絕

題跋

隆友道

朱張

交誼

假宅以死

清風堂屍迹

坐右銘

掘墳賊

蕉介

甲午節氣

先輩謙讓

雙竹杖

卷之六

蘭亭集刻

楔帖考

喪師衰經

蕪使長厚

私第延賓

句曲山房熟水

法帖譜系

評帖

淳化祖石刻

家翁

奴材

沙魘

孝行

吾竹房先生

抗疏諫伐宋

髮臍

鬼臍

居士

親家

研山圖

衛夫人

卷之七

趙魏公書畫

金鰲山

委羽山

斛銘

孝感

火失刺把都

屈戍

回回石頭

黃巢地蔵

官奴

梵嫂

房老

鴛衾

奚奴温酒

掛牌延客

買宅有識

待士

雇僕役

志異

課馬

客作

鹹杭子

官制資品

奎章政要

義奴

忠倡

鷹背狗

志怪

粥爵

還金絕交

畫鬼

卷之八

寫山水訣

鄧山房

狗站

五馬入門

隱逸

關節梯媒

利市

志苗

雙硯堂

嫁妾猶處子

聶碧窓詩

玉腴

蟹斷

作今樂府法

岷江綠

温暾

飛雲渡

漢子

長年

龍見嘉興

星入月

軍中禮士

不耐煩

阿誰

卷之九

文章宗旨

麻荅把曆

續演雅發揮

面花子

奇疾

磨堯韃

葛大哥

萬柳堂

樹鳴

松江官號

割執

題屏謝客

婚啓

陶母碑

許文懿先生

謠言

獸醫

想肉

王眉姿

錢唐

漱芳亭

食品有名

火災

落水蘭亭

陰府辨詞

詩法

姓名考

女諫買印

吳興塔顛箭

素領

卷之十

御史五常

官倉入粟

食物相反

先輩諧謔

馬判

字訓

丘真人

南池蠅

雁子

赴辦官錢

鼎作牛鳴

鑿糟

越民考

三姑六婆

不中用

國字

水畜

纏足

溺水不躍

鎖陽

輓客論三卦

烏蠻戶

重臺

日子

卷之十一

寫像訣

相地理

押猖遭毒

夢

白醉

賢母辭拾遺

女奴義烈

龍廣寒

夜航船

不快

雷雪

分疏

西皮

煖屋

鬼室

牙郎

墓死如生

枯井有毒

賢孝

事物異名

金鏹刺肉

抗人遭難

承天閣

阿瘡瘡

海運

夫婦死孝

猪妖

卷之十二

園池記

厠籌

拘花

連枝秀

卻鞭

奉母避難

匠官仁慈

著衣喫飯

文章政事

浙江潮候

貞烈墓

特健藥

乞求

張道人

帝師

卷之十三

中書鬼案

烏寶傳

綠窓遺藁

為將嗜殺

釋怨結姻

杜荀鶴詩

太公

剛介

發墓

卷之十四

忠烈

瘞鶴銘

風入松

四卦

點鬼錄

房中術

婦女曰娘

古刻

上頭八月

人腊

張翰林詩

卷之十五

淳化閣帖

幽園

煮豆帖

妓妾守節

與妓下火文

賀人妾得子啓

吊四狀元詩

雞妖

胡烈女

羈獄

沁園春

恭敏坊

隱趣

日書三萬字

妓出家

河南王

妖異

塔影入屋

錢唐懷古詞

人命至重

度量弘深

高麗氏守節

寒號蟲

鄧思賢

醫科

卷之十六

陶氏二譜

藥譜

世系

卷之十七

古銅器

石敢當

方頭

七十二

梅檀佛

傳席

歸婦吟

穿耳

丫頭

點心

奴婢

溫瓶

天子爭臣

嬪妃

黃金縷

哨遍

花蕊夫人

崔麗人

江淞省地分

改常

卷之十八

叙畫

記宋宮殿

廉察

宣髮

檄書露布

鞞鞞

書手

卷之十九

脈

四司六局

稽古閣

經紀

龐居士

宋朝家法

闌駕上書

錢武肅鐵券

射字法

神人獅子

至元鈔樣

妓聰敏

日無光

松江志異

郡縣尹

面不畏寒

卷之二十

納音

化氣

應聘不遇

皇舅墓

真率會

珠簾秀

漢兒字聖旨

碧瀾妾

箕仙詠史

夫婦同棺

宋幼主詩

孔椽史

挽文教授詩

狷潔

雁書

碑刻印識

九姑玄女課

白翎雀

天下士

卷之二十一

宮闕制度

公宇

鳴盡

碧珠示識

卷之二十二

聖門弟子

河源

皇太子署牒

虎禍

河南婦

玉堂嫁妓

數讖

戎顯再生

筭命得子

夫婦入道

項節婦

西域奇術

童子鳴對

先輩風致

司馬善諫

俞竹心

犬習生子

卷之二十三

書畫標軸

鑪鳴

田夫人

噪

金蓮盃

大佛頭

揚州白菜

講誕有配

檢田吏

玉鹿盃

猴盜

盜有道

預知改元

醉太平小令

譏省臺

造物有報復

鎖鎖

葉氏還金

傅氏死義

武官可笑

鞠獄

聖鐵

鬼爺爺

死護文廟

卷之二十四

結交重氣義

帝廷神獸

勾蘭壓

鵝鵝傳書

待士鄙吝

陳公子

漢魏正閏

剛卯

周儻好義

道士壽函

餽飽方

精塑佛像

繆孝子

趙孝子

王義士

木冰

龍湫獻靈

王一山

誤墮龍窟

雞司晨有準

黃道婆

天墮魚

十二生子

劉節婦

歷代醫師

卷之二十五

論秦蜀

院本名目

道母

天竺觀音

卷之二十六

傳國璽

瑞應泉

疑冢

盧橘

五龍車

伏波將軍

至元鈔科

雕傳

三五戒

酸齋舜世詩

高昌世家

后德

文宗能畫

武當山降筆

箕仙有驗

詩四題三絕

浙西園苑

吳江長橋

卷之二十七

四位配享

金果

李哥貞烈

劉節婦

病潔

雜劇曲名

唱論

莊夢塘藏書

買假山

戴氏絕嗣

妓妾守志

譏伯顏大師

譏方士

燕都賦

裱背十三科

厲秋

旗聯

批符識

金甲

蘭節婦

忠孝里

胡仲彬聚眾

扶箕詩

卷之二十八

非程文

于闐玉佛

處士門前怯薛

憲僉察判

詩識

丘機山

不孝陷地死

朝回回

白縣尹詩

廢家子孫詩

樂曲

藝梅花文

如意令

黃門

花山賊

爵祿前定

醋鉢兒

碁譜

軍前請法師

凌松管出對

承天寺

義大夫

解語盃

戲題小像

水仙子

銅錢代著

刑賞失宜

畫家十三科

卷之二十九

紀隆平

降真香

宋二十一帝

字音

許負

李玉溪先生

稱地為雙

骨咄犀

一門五節

一門三節

黃龍洞

黏接紙縫法

井珠

一錢太守廟

全真教

馬孝子

楊貞婦

窑器

墨

斲琴名手

古琴名

戲語

日家安命法

淮渦神

寄衣

卷之三十

印章制度

銀工

祖孝子

白日園文

金靈馬

髹器

只孫宴服

三教一源

銀錠字號

學官講說

松江之變

果典坐

詩識

書畫樓

物必遇主

鎗金銀法

磨坑堅箴

三笑圖

官制字訛

巾幘考

履寫履考

凡伍伯捌拾肆事

南村輟耕錄拾目終

南村輟耕錄疏

南村田叟陶君九成著書三十卷凡六合之內朝野之間天
理人事有關於風化者皆采而錄之非徒作也然又能不忘
稼穡艱難蓋有取於聖門餒在其中祿在其中之旨乃名之
曰南村輟耕錄朋游間咸欲為之版行以備太史氏采擇而
未有倡首之者於是僭為疏引以伸其意同志之士有觀其
書者必皆樂聞而興起焉

伏以兒寬帶經而鉏名高前史陶亮既畊還讀教及後昆顧服田
力穡乃士之常然著書立言於世為重比觀輟耕之錄實為載道
之文凡例既明書法尤備鈎玄提要匪按圖索驥之空言攷古驗
今得閉戶斲輪之大意蓋亦寫諸琬琰庶可緝於簡編惟鏤版乃
見全書在司帑當無難色同門曰朋合志曰友幸德通以相成副

墨之子洛誦之孫其流傳於不朽學海之波瀾無障研田之稼穡
有秋謹識

今月

日疏

青溪野史部 身貞

南村輟耕錄疏畢

南村輟耕錄卷之一

大元宗室世系

脫奔咿哩捷妻

阿蘭果火太后



天台陶

宗儀

九成

博寒葛



博合覩撒里吉

八林若黑刺

始祖字端义兒子

秃哈必畜子

咿麻篤敦

既擊篤兒罕子

海都子

其其其其

其
納真今兀察兀禿其子孫也

拜住忽兒子

敦必乃

子

葛木虎

其子孫也

直孛斯

葛忽刺急里恒

今大八魯刺

察刺罕寧兒

收兒拜住忽兒妻生一子

也子兀孫

合產

今小八魯刺

撩忽真兀禿迭葛

今昔即兀刺其子孫也

哈刺喇歹

今博子孫河

笛不斤八刺哈哈

今岳斯斤其子孫也

蒙哥嗜黑顏

聶昆大司

八里丹

忽都魯咩聶兒

烈祖神元皇帝

諱也速該姓奇渥溫氏

忽魯刺罕

合丹八都兒

答里真

朮赤太子

撥端幹赤斤

急闌八都兒庶子

蔡合台太子

太宗皇帝

睿宗皇帝

太祖皇帝

兀魯赤太子

果里干太子即缺別堅

拔都王

肅王寬徹

完王買住韓

憲宗皇帝

忽覩都

次三失其名

班禿王

阿速歹王

玉龍答失王

撒里吉王

衛王完澤

郊王撒徹禿

河平王昔里吉

兀魯思不花王

并王晃火帖木兒

嘉王火你忽

答沙亦思的王

隴主火即撒

咬住王

火你王

俺都刺王

愛牙赤王

陽翟王太平

陽翟王禿滿

陽翟王曲春

陽翟王帖木兒赤

顯宗皇帝

梁王松山

辨都

及兒只一作都兒真

裕宗皇帝

泰定皇帝

湘寧王迭里哥兒不花

湘寧王八刺失里

順宗皇帝

魏王阿木哥

脫不花王

蠻子王

西靖王阿魯

魏王子魯帖木兒

唐兀台王

答兒蠻失里王

孛羅王

武宗皇帝

明宗皇帝

今上皇帝順帝

寧宗皇帝

皇太子參猷識理達臘

質的里八剌

文宗皇帝

皇太子阿剌忒納答剌

燕帖古思太子

太平訥太子

仁宗皇帝

英宗皇帝

安王禿都思不花

成宗皇帝

皇太子德壽

安西王阿難荅

秦王按檀不花

月魯帖木兒

管王也先帖木兒

脫歡不花太子

脫魯太子

雲南王忽哥赤

安西王忙哥刺
北幽王那木罕

世祖皇帝



愛牙赤王

阿不干王
李顏帖木兒王
也古的不花王

西平王奧魯赤

鎮西武靖王也魯帖木兒

雲南王老的罕

武靖王搠思班

乞八王

亦只班王

豫王阿忒納失里

鎮南王帖木不花

鎮南王孛羅不花

次五失其名

寧王闊闊出

鎮南王脫歡

威順王寬徹不花

忽都魯帖木兒

宣讓王帖木兒不花

阿不也不干王

八魯朵兒只王

阿八哈王

阿魯王

靖遠王合背

康平王哈兒班斡

幽王出伯

幽王南忽里

亦憐真朵兒只王

脫脫木兒王

某

旭烈兀王

阿里不哥王

威定王玉木忽尔

乃刺忽不花王

亦憐真八的王

魏王孛顏帖木兒

完者帖木兒王

冀王孛羅

鐵木兒脫

定王藥木忽兒

其

燕大王

鎮寧王那海

楚王牙忽都

楚王脫烈鐵木兒

刺甘失甘王
薛必烈傑兒王

撥綽王

楚王八都兒

燕帖木兒王

速哥帖木兒王

朶羅不花王

伯帖木兒王

永寧王孛顏木兒

荆王脫脫木兒

哈魯孫王

荆王也達不堅

月魯帖木兒

買閭也先

末哥王

昌童王

歲都哥王

速不歹王

雪別台王

其

河間王忽察
忽魯多王

也不干王

八八王

八八刺王

安定王脫歡

允脫思脫木兒王

合賓帖木兒王

伯答罕王

安定王赤兒只班

愛哥阿不干王

勢都兒王

齊王八不涉

淄王撈只哈撒兒

淄川王也若

移相哥王

脫忽王

必烈虎王

黃兀兒王

伯木兒王

齊王龍帖木兒

別兒帖木兒王

哈丹王

隴王忽刺出

察忽列王

濟南王也里只

忽列虎兒王

吳王木喃子

濟王哈赤溫

濟南王按只吉牙

鐵木哥幹赤國王

即幹噴那顏

幹端王

只不干王

吳王乃朵列紐

濟陽王潑皮

阿木魯王

愛牙哈赤王

塔察兒王

壽王乃蠻台

也不干王

兀刺兒吉夕王

奧速海王

察刺海王

寧羅夕王

西寧主撒魯蠻

卯罕王

本伯王

也只王

不只只王

廣陵王瓜都

帖木兒王

乃顏王

脫鐵木兒王

戒里吉夕王

潢察王

抹扎兒王

廣寧王別里吉台

即寧魯古夕

也速不花王

口溫不花王

罕者忽王

霍力極王

完吉利歹王

定王察兒台

定王薛微千

闊闊出王

撒里蠻王

大納耶耶

小哥哥

寧王闊闊出

屯里千王

哈魯罕王

寧海王亦思蠻

寧海王技都兒

寧海王阿海

列聖授受正統

始祖諱李端义

烈祖神元皇帝

諱也速該姓奇渥温氏

太祖應天啟運聖武皇帝

諱鐵木真國語曰成吉思

宋開禧二年丙寅十二月即位于斡難河自號可汗至宋寶

慶三年丁亥七月己丑崩于薩里川在位二十二年壽六十

六葬起輦谷

太宗英文皇帝

諱高闊台

宋紹定二年己丑八月己未即位于忽魯班雪不只至宋淳

祐元年辛丑十一月崩于胡蘭山在位一十三年壽五十六

葬起輦谷

六皇后秃里吉納臨朝稱制皇后乃馬真氏

睿宗仁聖景襄皇帝

諱施雷

憲宗追謚

定宗簡平皇帝 諱貴由

宋淳祐二年壬寅至乙巳皇后當國丙午七月歸政即位于
蒼蘭苔八思至戊申三月崩于胡眉斜陽吉兒在位三年壽
四十二葬起輦谷皇太后禿里吉納復治國事

憲宗桓肅皇帝 諱蒙哥

宋淳祐十一年辛亥六月即位于闊帖兀阿蘭至宋開慶元
年己未七月二十七日癸亥崩于釣魚山在位九年壽五十
二

世祖聖德神功文武皇帝 諱忽必烈國語曰薛禪

宋景定元年庚申四月一日戊辰即位于開平建元中統至
至元三十一年甲申正月十九日庚午崩于紫檀殿在位三

十五年壽八十葬起輦谷 中統四 至元三十一

裕宗文惠明孝皇帝 諱真金

成宗追謚

順宗昭聖衍孝皇帝 諱答剌麻八剌

武宗追謚

成宗欽明廣孝皇帝 諱鐵木耳國語曰完者篤

至元三十一年甲午四月十四日甲午即位于上都改至元
三十二為元貞至大德十一年丁未正月八日癸酉崩于玉
德殿在位十三年壽四十二葬起輦谷 元貞二 大德十

武宗仁惠宣孝皇帝 諱海山國語曰曲律

大德十一年丁未五月十一日甲戌即位于上都十二月詔
改大德十二為至大至四年辛亥正月八日庚辰崩于玉德

殿在位四年壽三十一葬起輦谷 至大四

仁宗聖文欽孝皇帝諱愛育黎拔力八達國語曰普頤篤

至大四年辛亥三月十八日庚寅即位于大明殿九月壬子

詔改至大五為皇慶至延祐七年庚申正月二十一日辛丑

崩于光天宮在位九年壽三十六葬起輦谷 皇慶二 延

祐七

英宗睿聖文孝皇帝諱碩德八剌國語華堅

延祐七年庚申三月十一日庚寅即位十二月乙巳詔改延

祐八為至治至三年癸亥八月四日癸亥遇弒崩于上都途

中南坡行帳在位四年壽二十一從葬諸帝陵 至治三

顯宗光聖仁孝皇帝諱甘剌麻

泰定追謚今出廟

泰定皇帝諱也先帖木兒元封晉王

至治三年癸亥九月四日癸巳即位于上都龍居河十二月

丁亥詔改至治四為泰定至五年戊辰二月庚申改致和七

月十日庚午崩文宗追廢在位五年壽二十六 泰定四

泰定五改致和文宗即改天曆

明宗翼獻景孝皇帝諱和世剌國語曰忽都篤

天曆二年己巳正月二十八日丙戌即位于和寧北八月二

日大駕次王忽察都六日暴崩不改元在位八月壽三十葬

起輦谷

文宗聖明元孝皇帝諱脫脫木耳國語曰扎牙篤

致和元年戊辰九月十三日壬申即位于大明殿改元天曆

詔讓大兄明宗明年己巳五月帝發京師北迎八月二日丙

成遇于忽察都庚寅明宗暴崩己亥復即位于上都至三年
庚午五月戊午改至順至三年壬申八月十二日巴西崩在
位五年壽二十九葬起輦谷後至元六年庚辰六月丙申以
帝謀不軌使明宗飲恨而崩詔撤其廟主 天曆二 至順
三

寧宗冲聖嗣孝皇帝 諱懿璘質班

至順三年壬申十月四日庚子即位于大明殿至十一月十
六日壬午崩不改元年七歲葬起輦谷

今上皇帝 御名安歡帖睦爾

至順四年癸酉六月八日己巳即位于上都十月戊辰改元
元統至三年乙亥十一月辛丑改至元至七年正月一日改
至正 元統二 至元六 至正今二十六年

氏族

蒙古七十二種

阿刺刺

扎刺兒歹

忽神忙兀歹

斡吉刺歹

晃忽攤

永吉列思

兀魯兀

郭兒刺思

別刺歹

怯烈歹

禿別歹

八魯刺忽

曲呂律

也里吉斤

扎刺只刺

脫里別歹

塔塔兒

哈答吉

散兒歹

乞要歹

列木歹

顏不花歹

歹列里養賽

散木兀歹

滅里吉歹

阿大里吉歹

兀羅歹

別帖里歹

孛歹

也可抹合刺

那顏吉歹

阿塔里吉歹

亦乞列歹

合忒乞歹

木里乞

外兀歹

外抹歹

阿兒刺歹

伯要歹

担古歹

外刺歹

末里乞歹

許大歹

晃兀攤

別速歹

顏不草歹

木温塔歹

忙兀歹

塔塔歹

那顏乞台

阿塔力吉歹

忽神

塔一圪

元魯歹

撒木歹

城里吉

阿火里力歹

扎馬兒歹

兀羅羅歹

別帖乞乃蠻歹

木里歹

也可林合刺

瓮吉歹

乃里別歹

入憐

察里吉歹

八魯忽歹

哈答歹

外刺

色目三十一種

吟刺魯

欽察

唐兀

阿速

秃八

康里

苦里魯

刺乞歹

赤乞歹

畏吾兀

回回

乃蠻歹

阿兒渾

合魯歹

火里刺

撒里哥

秃伯歹

雍古歹

蜜赤思

夯力

苦魯丁

貴赤

匣刺魯

秃魯花

哈刺吉答歹

拙兒察歹

秃魯八歹

火里刺

甘木魯

徹兒哥

乞失迷兒

漢人八種

契丹

高麗

女直

竹因歹

木里闊歹

竹温

竹亦歹

渤海女直同

金人姓氏

完顏漢姓曰王

烏古論曰商

乞石烈曰高

徒單曰杜

女奚烈曰郎

兀顏曰朱

蒲察曰李

顏盞曰張

温迪罕曰温

石抹曰蕭

奧屯曰曹

孛術魯曰魯

移刺曰劉

幹勒曰石

納刺曰康

夾谷曰全

裴滿曰麻

尼忙古曰魚

幹准曰趙

阿典曰雷

阿里侃曰何

温敦曰空

吾魯曰惠

抹顏曰孟

都烈曰強

散答曰駱

呵不哈曰由

烏林答曰蔡

僕散曰林

木虎曰董

古里甲曰汪

至元十一年甲戌宋之咸淳十年也秋七月

世祖命中書右丞相伯顏搃制大軍取宋諭之若曰朕聞曹彬

不嗜殺人一舉而定江南女其體朕心法彬事毋使吾赤子橫

罹鋒刃伯顏叩首奉命惟謹既而混一職方豈非不嗜殺人之

驗與

明年乙亥春諸郡望風降賊丞相伯顏遣員外郎石天麟詣闕奏

聞

世皇喜顧謂侍臣曰朕兵已到江南宋之君臣必知畏恐茲若遣使議和邀索歲幣想無不從者遂勅伯顏按兵乃命禮部尚書廉希賢侍郎嚴忠範計議官宋德秀祕書丞柴紫芝等齎奉國書使宋次建康希賢等借兵衛送伯顏曰方今兩軍相阨互有設險宜令行人先往道意若便擁兵前進吾恐別生罅隙則和議之事必難成矣希賢等堅請乃簡閱銳卒五百畀之至獨松關戍關者宋浙西安撫司參議官張濡也以為北兵叩關率衆掩擊殺忠範執希賢希賢亦病創死世皇聞之大怒趣進攻嗟夫宋之亡也非有桀紂之惡特以始之以拘留使者肇天兵之興終之以誤殺使者激世皇之怒耳藉使獨松之使不死宋之存亡未可知其亦有數也與

明年正月甲申丞相伯顏駐軍皋亭山宋奉表及國璽以降遣千戶囊加歹等入城慰諭令居民門首各貼好投拜二字及聞益王廣王如婺州即命分兵屯守諸門范文虎安營浙西沙滸太皇太后望祝曰海若有靈當使波濤大作一洗而空之潮汐三日不至軍馬宴然文虎呂文煥壻安慶守臣降於我者

宋之興始於後周恭帝顯德七年恭帝方八歲及其亡也終於少帝德祐元年少帝時四歲名顯而顯德二字竟與得國時合周以主幼而失國宋亦以主幼而失國周有太后在上宋亦有太后在上始終興亡之數昭然如此

萬歲山在大內西北太液池之陽金人名瓊花島中統三年修繕之其山皆以玲瓏石疊壘峰巒隱映松檜陰鬱秀若天成引金水河至其後轉機運輿汲水至山頂出石龍口注方池伏流至

仁智殿後有石刻螭龍昂首噴水仰出然後東西流入于太液池山上有廣寒殿七間仁智殿則在山半為屋三間山前白玉石橋長二百尺直儀天殿後殿在太液池中圓坻上十一楹正對萬歲山山之東也為靈囿奇獸珍禽在焉車駕歲巡上都先宴百官于此瀕省叅政赤德爾嘗云向任留守司都事時聞故老言國家起朔漠日塞上有一山形勢雄偉金人望氣者謂此山有王氣非我之利金人謀欲厭勝之計無所出時國已多事乃求通好入貢既而曰它無所冀願得某山以鎮壓我土耳其衆皆鄙笑而許之金人乃大發卒鑿掘輦運至幽州城北積累成山因開挑海子栽植花木營構宮殿以為遊幸之所未幾金亡世皇徙都之至元四年興築宮城山適在禁中遂賜今名云留守司在宮城西南角樓之南專掌宮禁工役者

世皇取江南 大軍次黃河苦乏舟楫夜夢一老叟曰陛下欲渡河當隨我來引至一所指曰此即是已帝遂以物標識之乃竟歷歷可記 明日循行河澗尋夢中所見處果是方驚顧間忽有人進曰此間水淺可渡時帝徵夢中語因謂曰汝能先涉否其人乃行大軍自後從之無一不濟 帝欲重旌其功對曰富與貴悉非所願但得自在足矣遂封為荅刺罕與五品印撥三百戶以食之今其子孫尚有存者此事楊元誠大史瑪所云世皇下江南檄枚舉賈似道無君之罪宋國臣民其不誠服者與其文曰宅中圖大天開一統之期自北而南雷動六師之衆先謂吊民而伐罪蓋將用夏而變夷欲制江浙以削平極汝海隅而混一堪嗟此宋信任非人處之師相之尊委以國柄之重世濟其惡真兇悖之賈充謀及廼心效姦雄之曹操不學無識舞

術弄權誇許黃僅免其身比河清莫大之績承君之寵如彼之
專貪天之功確乎不核惜官爵以括寶貨苛條法以苦賢才奪
土田而無地可耕變閔會而物價溢涌藉鄙猥者伴食於廟堂
任反側者失兵於邊徼恬視雷星之召異罔聞水火之降災滿
朝皆其私人用將因其重賂用白劄而破世守之法曲丹筆而
容天討之刑民心已離而不知天命將革而未悟方且貪湖山
之樂聚寶玉之珍弗顧母死奪制以貪榮乃乘君寵立幼而固
位以已峻功碩德而自比於周公欺人寡婦孤兒反不如於石
勒深懷禍慝自肆奸邪合正兩觀之誅可紆百姓之怒我

大元皇帝聰明智睿神武慈仁焚香祝天誓莫殺而混海宇振
兵畧地隨所向而宣皇威一戰乘勝而渡江諸將列降而獻土
厥角稽首迎我前茅後實先聲易如破竹昭然天順人信之勳

成我風行草偃之功合宇宙以清寧蘇人民而鎮撫恩寬幼主
以下罪止元惡之身自今檄到應守令以境土投拜除大支牒
賞外仍其官職謹檄

大元受天命肇造區夏列聖相承至于 世皇至元初尚未遑興
建宮闕凡遇稱賀則臣庶皆集帳前無有尊卑貴賤之辨執法
官厭其喧雜揮杖擊逐之去而復來者數次翰林承旨王文忠
公磐時兼太常卿慮將貽笑外國奏請立朝儀遂如其言

皇慶癸丑冬十一月詔曰其以皇慶三年八月天下郡縣與其賢
者能者充賦有司明年二月會試京師中選者朕將親策焉按
遺山元公好問所撰薦訪使楊文憲公真墓碑云 太宗即位
之十年戊戌開舉選特 詔宣德課稅使劉公用之試諸道進
士公試東平兩中賦論第一奏授河南路徵收課稅所長官兼

廉訪使則國朝科舉之設已肇於此寥寥七十餘年而普類薦
皇帝克不墜 祖宗之令典尊號曰 仁不亦宜乎初焉試論
賦蓋及宋金餘習後則一以經學為本非復向時比矣

汲郡王公玉堂嘉話云宋未下時江南謠云江南若破百雁來過
當時莫喻其意及宋亡蓋知指丞相伯顏也

太宗時諸國來朝者多以冒禁應死耶律文正王楚材進奏曰願
無汙白道子後之蓋國俗尚白以白為吉故也

大德七年詔內外官年及七十並聽致仕時郭守敬字若思順德
刑臺人知太史院事以舊臣且熟朝廷所施為獨不許其請至
今翰林太史司天官不致仕者咸自公始

答刺罕譯言一國之長得自由之意非勳戚不與焉
太祖龍飛日朝廷草創官制簡古惟左右萬戶次及千戶而已

丞相順德忠獻王哈刺哈孫之曾祖 啓昔禮以英材見遇擢任
千戶錫號答刺罕至元壬申 世祖錄勳臣後拜王宿衛官叢

號答刺罕

已丑秋八月 太宗即皇帝位耶律文正王時為中書令定冊立
儀禮皇族尊長皆令就班列拜尊長之有禮蓋自此始

內八府宰相八員視二品秩而不降授宣命特中書照會之任而
已寄位於翰林之端隣端隣宮門外院官會集處也所職視草
制若詔赦之文則非其掌也至於院之公事亦不得與焉例以
國戚與勳貴之子弟充之

國朝有四怯薛大官怯薛者分宿衛供奉之士為四番番二晝夜
凡 上之起居飲食諸服御之政令怯薛之長皆撻焉中有云
都赤乃侍衛之至親近者雖官隨朝諸司亦三日一次輪流入

直負骨朶於肩佩環刀於腰或二人四人多至八人時若

上御控鶴則在宮車之前 上御殿廷則在墀陛之下蓋所以

虞姦回也雖宰輔之日覲清光然有所奏請無云都赤在固不

敢進今中書移咨各省或有須備錄奏文事者內必有云都赤

某等以此之故余又究骨朶字義嘗記宋景文筆記云閩中人

以腹大為肌朶上音孤俗音謂杖頭大者亦曰肌朶後謬為骨

朶朶平聲

國朝鎮殿將軍募選身軀長大異常者充凡有所請給名曰大漢

衣糧年過五十方許出官

貴由赤者快行是也每歲一試之名曰放走以脚力便捷者膺上

賞故監臨之官齊其名數而約之以繩使無後先參差之爭然

後去繩放行在大都則自河西務起程若上都則自涇河兒起

程越三時走一百八十里直抵

御前俯伏呼萬歲先至者賜銀一餅餘者賜段匹有差

昔寶赤鷹房之執役者每歲以所養海青獲頭鷲者賞黃金一錠

頭鵝天鵝也以首得之又重過三十餘斤且以進御膳故曰頭

南村輟耕錄卷之二

天台陶宗儀九成

至元六年二月二十五日

上御玉德殿命史臣榻前草詔黜謫太師伯顏詔文有云其各領所部詔書到日悉還本衛

上曰自蚤至暮皆一日也可改日字作時字時伯顏以飛放為名挾持

皇太子在柳林意將犯分詔既成遣中書平章只理瓦歹賚至彼處開讀奉皇太子歸國而各枝軍馬即時散去盖一字之中利害繫焉賈聰明作元后於此有以見之矣

文定王沙刺班

今上之師也為學士時嘗在上左右一日辭少倦遂於便殿

之側偃臥因而就寐上因以籍坐方褥國語所謂朵兒別真者親扶其首而枕之後嘗患癩額上上於金鉢中取佛手膏躬與貼之上之隆師重道可謂至矣盡矣王字敬臣號山齋畏吾人

累朝皇帝先受佛戒九次方正大寶而近侍陪位者必九人或七人譯語謂之煖咎世此國俗然也今上之初入戒壇時見馬哈刺佛前有物為供因問學士沙刺班曰此何物曰羊心上曰嘗聞用人心肝者有諸曰嘗聞之而未嘗目睹請問刺馬刺馬者帝師也上遂命沙刺班傳旨問之荅曰有之凡人萌歹心害人者事竟則以其心肝作供耳以此言復奏上拜命問曰此羊曾害人乎帝師無荅

國朝日進御膳例用五羊而上自即位以來日減一羊以歲

計之為數多矣

太府少監阿魯奏取黃金三兩為御鞞刺花用上曰不可因請易以銀而鍍金者上曰亦不可金銀首飾也今民間所用何物對曰用銅曰可右五事楊太史瑤所言太史居官時日侍上故知其詳

今上皇太子之正位東宮也設諭德置端本堂以處太子講讀忽一日帝師來啓太子母后曰向者太子學佛法頓覺開悟今迺使習孔子之教恐壞太子真性后曰我雖居於深宮不明道德嘗聞自古及今治天下者須用孔子之道捨此它求即為異端佛法雖好乃餘事耳不可以治天下安可使太子不讀書帝師赧服而退

皇太子方在端本堂讀書近侍之嘗以飛放從者輒臂鷹至廊無

間喧呼馳逐以惑亂之將勾引出游為樂 太子授業畢徐令左右戒之曰此讀書之所先生長者在前汝輩安敢褻狎如此急引去毋乃責也衆皆驚懼而退右二事乃貢尚書師泰授經宣文閣下日所目見者至正丙申間避地雲間每談朝廷典故因及此

中書左丞魏國文正公魯齋許先生衡中統元年應召赴都日道謁文靖公靜脩劉先生因謂曰公一聘而起母乃太速乎荅曰不如此則道不行至元二十年徵劉先生至以為贊善大夫未幾辭去又召為集賢學士復以疾辭或問之乃曰不如此則道不尊

中書令耶律文正王楚材字晉卿在金為燕京行省員外郎國亡歸于我朝從

太祖征伐諸國夏人常八斤者以治弓見知於 上詔王曰本朝尚武而明公欲以文進不已左乎王曰且治弓尚須弓匠豈治天下不用治天下匠耶 上聞之喜自是用王益密中書平章政事庶希憲字善甫封恒陽王謚文正本畏吾氏王之父諱布魯凱為回鶻王歸朝官至順德諸路宣慰使封魏國公謚孝懿拜庶訪使之命時適王生顧曰是兒必大吾門吾聞古者以官受氏天將以庶氏吾宗乎吾其從之舉族承命世祖一日命庶文正王受戒於國師王對曰臣已受孔子戒 上曰汝孔子亦有戒邪對曰為臣當忠為子當孝孔門之戒如是而已 上喜

謝君直先生得號疊山信州弋陽人宋景定甲子江東漕闡校文發策問權姦誤國趙氏必亡忤賈似道貶興國軍三年遇赦得

還天兵南下 郡城潰棄家入閩至元二十三年御史程文海承旨留夢炎等交薦累召不赴二十六年春正月福建行省叅知政事魏天祐復被

詔旨集守令戍將迫蹙上道臨行以詩別常所往來者曰雪中松柏愈青青扶植綱常在此行天下豈無龔勝絮人間不獨伯夷清義高便覺生堪捨禮重方知死甚輕南八男兒終不屈皇天上帝眼分明夏四月至京師不食死年六十有四秋八月子定之奉柩歸葬門人誄而題之曰文節先生謝公墓嗟乎伯夷叔齊在周雖為頑民而在商則為義士孰謂數千載後有商義士之風者復見先生焉

中書丞相史忠武王天澤髭髯已白一朝忽盡黑

世皇見之驚問曰史拔都汝之髯何乃更黑邪對曰臣用藥染之故也 上曰染之欲何如曰臣覽鏡見髭髯白竊傷年且莫盡忠於 陛下之日短矣因染之使玄而報效之心不異疇昔耳 上大喜人皆以王捷於奏對推此一事則餘可知矣漢人賜名拔都者惟王與太師張獻武王弘範及真定新軍張萬戶典祖耳

真定新軍張萬戶典祖中山無極人至元十九年丞相楚國文定公阿里海涯以中書右丞南取漢郢公實獲有功授前職平生射虎數十一日遇虎一發而踣語人曰吾聞生虎之髭剔齒疾可已風因拔之虎怒爪鞞裂賴其氣息垂盡不能傷足由是人目之曰殺虎張後以國言賜名拔突拔突即拔都都與突字雖異而聲相近蓋譯語無正文故也

姚文公先生燧為中臺監察御史時忽御史大夫謂曰我 天子

以汝賢故擢居耳目之官今且歲餘至如興利除害之事未嘗有片言及之但惟以薦舉為務何邪先生荅曰其所薦者百有餘人皆經世之才其在中外並能上裨聖治則其之報効亦勤矣又何待胥胥於興利除害然後為監察御史之職任乎大夫曰真宰相器也嘆賞久之

太宗素嗜酒晚年尤甚日與大臣酣飲耶律文正王數言之不聽一日持酒槽之金口以進曰此乃鐵耳為酒所蝕尚致如此况人之五臟有不損邪上說賜以金帛仍勅左右日惟酒三鍾而止夫以王之切諫不已而上終納之可謂君明臣良者矣

內翰王文康公鸚字百一開州東明人國初自保定應聘北行時故人馬雲漢以宣聖畫像為贈既達北庭值秋丁公奏行釋奠

禮

世祖說即命舉其事公為祝文行三獻禮禮畢進胙於上上既飲福熟其胙命左右均沾所賜自是春秋二仲歲以為常蓋上之所尊師重道者實公有以啟之也

國朝儒者自戊戌選試後所在不務存恤往往混為編氓至於奉一札十行之書宗學校獎秀藝正戶籍免徭役皆翰林學士高公智耀奏陳之力也公河西人今學校中往往有祠之者

丙戌冬十一月耶律文正王從

太祖下靈武諸將爭掠子女玉帛王獨取書籍數部大黃兩駝而已既而軍中病疫惟得大黃可愈所活幾萬人吁廉而不貪此固清慎者能之若其先見之明則有非人之所可及者

御史臺至元五年置秩從二品二十一年陞正二品大德十一年

陸從一品臺有大夫一人後增一人中丞二人後又增二人隨復故侍御史二人治書侍御史二人殿中侍御史二人治朝著之事典事二人掌樞府文書之事後改為都事三人後又以都事之長蒙古若色目一人為經歷檢法二人後廢管勾三人其一人兼照磨監察御史十二人後增至十六人皆漢人又增蒙古色目人如漢人之數今三十二人至元十四年既取宋置南行臺二十七年專蒞江南之地號江南諸道行御史臺秩如內臺而監察御史今二十四人西行臺初由雲南廉訪司陞行臺大德元年移治陝西號陝西諸道行御史臺蒞陝西甘肅四川雲南之地延祐間暫廢隨復其官秩如南臺而監察御史今二十人各道提刑按察司至元六年置正三品有使副使僉事察判經歷知事二十八年改肅政廉訪司使副使僉事各二人大司農奏罷各道勸農司以農事歸憲司增僉事二人經歷知事照磨各一人今天下凡二十二道始建臺時大夫則塔察兒也內監察御史署銜無御史臺三字以為天子耳目之官非御史大夫以下所可制也行臺則不然

國朝凡省臺院吏曰掾史獨江南行臺作令史者蓋緣至元十四年初立行臺日御史大夫授三品秩故也後雖陞一品而樂因循者不為申明改正西臺立視南臺已陞品秩則曰掾史焉三臺凡公文所書臺字並從士從口不敢作其字頭若然則偽文也按許氏說文臺從至從之從高省則土乃之之正書耳當从土从口為是

累朝皇帝於踐祚之始必布告天下使咸知之惟詔西番者以粉書詔文於青繒而繡以白絨網以真珠至御寶處則用珊瑚

遣使賁至彼國張于 帝師所居處

國初立法以來有笞杖徒流死之制凡七下至五十七下用笞六十七下至一百七十用杖徒之法徒一年杖六十七一年半杖七十七二年杖八十七二年半杖九十七三年杖一百七此屢徒者杖數也鹽徒既決而又鐐之使居役也數用七者建元以前皆用成數今匿稅者笞五十犯私鹽茶者杖七十私宰馬牛者杖一百舊法猶有存者大德中刑部尚書王約數上言

國朝用刑寬恕笞杖十減其三故笞一十減為七今之杖一百者宜止九十七不當反加十也議者憚於變更其事遂寢流則南之遷者之北北之遷者之南死則有斬有凌遲而無絞

世皇嘗以錢幣問太保劉文貞公秉忠公曰錢用於陽楮用於陰華夏陽明之區沙漠幽陰之域今 陛下龍興朔漠君臨中夏

宜用楮幣俾子孫世守之若用錢四海且將不靖遂絕不用錢

治 武宗頗用之不久輒罷此雖術數識緯之學然驗之於今果如所言

河南江北行中書省叅知政事姚忠肅公 天福字君祥平陽人至元十一年拜監察御史彈擊權臣無所顧畏 世祖賜名巴而

思國言虎也後條奏宰相阿合馬罪二十有四召廷辨公枚數

之彼輒引服數至於三氣沮色喪 上曰此三者罪已不在宥

因目公曰巴而思臣下有違 太祖之制干朕之紀者汝抨擊

毋隱廷臣皆震悚時方倚相理財姑釋不問衆人莫不為公危

之公之太夫人有賢識勗之曰為國者忘其家汝第盡力效忠

果不測吾追蹤陵母死日猶生年也公泣謝曰其長曰萬一得

譴乞不以老母坐連語聞 上嘆曰是母子有古義烈勅侍臣符寶郎董文忠宣付史館書之

至元二十四年桑哥之為尚書丞相也專權擅政虐酷薰天賄賂公行畧無畏避中書平章武寧正獻王徹理時為利用監獨奮然數其姦賊於 上前上怒以為醜詆大臣命左右批其頰王辨不為止且曰臣思之熟矣 國家置臣子猶人家畜犬譬有賊至而犬吠主人初不見賊乃箠犬犬遂不吠豈良犬哉 上悟收桑哥籍其家明日王拜御史中丞余按北史宋游道傳畢義雲奏劾游道楊遵諺曰譬之畜狗本取其吠今以數吠殺之恐將來無復吠犬詔除名則王之以犬自况為有所本矣翰林學士元文敏公明善字復初清河人叅議中書日會 朝廷遣蒙古大臣一員使交趾公副之將還國之偽主齎以金蒙古

受之公固辭為主曰彼使臣已受矣公獨何為公曰彼所以受者安小國之心我所以不受者全大國之軀為主歎伏

今蒙古色目人之為官者多不能執筆花押例以象牙或木刻而印之宰輔及近侍官至一品者得 旨則用玉圖書押字非特賜不敢用按周廣順二年平章李穀以兩臂辭位詔令刻名印用擬此則押字用印之始也

文宗開奎章閣作二璽一日天曆之寶一日奎章閣寶命臣虞集篆文

今上作二小璽一日明仁殿寶一日洪禧命臣楊瑀篆文洪禧璞純白而龜紐墨色

天曆初建奎章閣于西宮興聖殿之西廊為屋三間高明敞爽南間以藏物中間諸官入直所北間南嚮設 御座左右列珍玩

命群玉內司掌之閣官署衙初名奎章閣階正三品隸東宮屬
官後文宗復位乃陞為奎章閣學士院階正二品置大學士五
員並知經筵事侍書學士二員承制學士二員供奉學士二員
並兼經筵官幕職置叅書二員典籤二員並兼經筵叅贊官照
磨一員內掾四名內二名兼檢討宣使四名知印二名譯史二
名典書四名屬官則有群玉內司階正三品置監群玉內司一
員司尉一員亞尉二員僉司二員典簿一員令史二名典史二
名司鑰二名司膳四名給使八名專掌祕玩古物藝文監階正
三品置太監兼檢校書籍事二員少監同檢校書籍事二員監
丞叅檢校書籍事二員或有兼經筵官者典簿一員照磨一員
令史四名典史二名專掌書籍鑿書博士司階正五品置博士
兼經筵叅贊官二員書吏一名專一鑿辨書畫授經郎階正七
品置授經郎兼經筵譯文官二員專一訓教法薛官大臣子孫
藝林庫階從六品置提典一員大使一員副使一員司吏二名
庫子一名專一收貯書籍廣成局階從七品置大使一員副使
一員直長二員司吏二名專一印行 祖宗聖訓及 國制等
書 特恩剗製象齒小牌五十上書奎章閣三字一面篆字一
面蒙古字與畏吾兒字分散各官懸佩出入宮門無禁學士院
凡與諸司往復惟劄送參書廳行移而已命侍書學士虞集撰
記御書刻石閣中

今上皇帝改奎章曰宣文其記曰大統既正海內定一乃稽古
右文崇德樂道以天曆二年三月作奎章之閣備燕閒之居將
以淵潛遐思緝熙典學乃置學士員俾頌乎
祖宗之成訓毋忘乎創業之艱難而守成之不易也又俾陳夫

內聖外王之道興亡得失之故而巳自儆焉其為閣也因便殿之西廡釋高明而有容不加飾乎采斲不重勞於土木不過啓乎牖以順清燠樹皮閣以棲圖書而已至於噐玩之陳非古制作中法度者不得在列其為處也跬步戶庭之間而清嚴邃密非有朝會祠享時巡之事幾無一日而不御於斯於是宰輔有所奏請宥密有所圖回爭臣有所繩糾侍從有所獻替以次入對後容密勿蓋終日焉而聲色狗馬不軌不物者無因而至前矣自古聖明叡知善於怡心養神培本浚源泛應萬變而不窮者未有易乎此者也蓋聞天有恒運日月之行不息矣地有恒勢水土之載不匱矣人君有恒居則天地民物有所係屬而不易矣居是閣也靜焉而天為一動焉而天弗違度乎有道之福以保我子孫黎民於無窮哉至順辛未孟春二日記

傳初菴先生立以占筮起東南時杭州初內附

世皇以故都之地生聚浩繁費力殷盛得無有再興者命占其將來如何卦既成對曰其地六七十年後會見城市生荆棘不如今多也今杭連厄於火自至正壬辰以來又數燬於兵昔時歌舞之地悉為草莽之墟軍旅填門畜豕載道乃知立之占亦神矣立乃番易祝卜泌甥泌精皇極數

中書右丞相伯顏所署官銜計二百四十六字曰元德上輔廣忠宣義正節振武佐運功臣太師開府儀同三司秦王荅剌罕中書右丞相上柱國錄軍國重事監脩國史兼徽政院侍正昭功萬戶府都總使虎符威武阿速衛親軍都指揮使司達魯花赤忠翊侍衛親軍都指揮使奎章閣大學士領學士院知經筵事太史院宣政院事也可千戶哈必陳千戶達魯花赤宣忠幹羅

思扈衛親軍都指揮使司達魯花赤提調回回漢人司天監群
牧監廣惠司內史府左都威衛使司事欽察親軍都指揮使司
事官相都捺管府領太禧宗禋院兼都典制神御殿事中政院
事宣鎮侍衛親軍都指揮使司達魯花赤提調宗仁蒙古侍衛
親軍都指揮使司事提調哈刺赤也不干察兒領隆祥使司事
當其擅政之日前後左右無非陰邪小輩惟恐獻諂進佞之不
至孰能告以忠君愛民之事有一王爵者譯奏云薛禪二字人
皆可以為名自

世祖皇帝廟號之後遂不敢用今太師伯顏功高德重可以薛
禪名字與之時御史大夫帖木兒不花亦其心腹每陰嗾省臣
奏允其請文定王沙剌班時為學士從容言於 上曰萬一曲
從所請關係非輕遂命學士歐陽玄監永褐後斯會議以元德

上輔四字代之加於功臣之上又典瑞院都事某建言凡省官
提調軍馬者必佩虎符今太師伯顏難與他人同宜錫龍鳳牌
以寵異之 制可遂製龍鳳牌一面其三珠各涵徑寸真珠一
枚而飾以紅刺鴉忽寶石牌身脫釵元德上輔功臣號字仍用
白玉嵌造牌成計直數萬錠既被賤黜毀其牌就以珠寶給還
物主蓋督勒有司和買元價尚未酬也又京畿都運納速刺上
言太師伯顏功勳蓋世所授 宣命難與百官一体合用泥金
書詞以尊榮之省臺院官議不可行宛轉稟曰止金書 上天
眷命 皇帝聖旨八字餘仍墨筆云

大德間

仁宗在潛邸日奉

荅吉太后駐輦懷孟特苦群搆亂

喧終夕無寐翼旦

太后命近侍傳旨諭之曰吾母子方愷愷

翻忍惱人邪自後其母再鳴故至今此地雖有鼃而不作聲後

仁宗入京誅安西王阿難荅等迎

武宗即位時大德十一年也越四年而

仁宗繼登大寶則知元后者天命攸歸豈行在之所雖未踐祚而山川鬼神以陰來相之不然則蟲魚微物耳又能聽令者但迄今不鳴尤可異矣

至治癸亥十月六日甲子先一夕因晉邸入繼大統告祭太廟之頃陰風北來殿上燈燭皆滅良久方息蓋攝祭官跌失也先帖木兒赤斤帖木兒等皆弒君之元惡也時全思誠以國子生充齋郎目擊之此無他必祖宗威靈在上不使姦臣賊子得以有事于太廟而明示嚴譴之耳彼徒罪無所逃至於身誅族赤而後已吁可畏哉

至元二十四年宗王乃顏叛後伏誅徙其餘黨于慶元之定海縣

延祐間倚納脫脫公來為浙相其黨屢以水土不便為訴乞遷善地公曰汝輩自尋一箇不死人的田地當為汝遷之衆遂不敢再言

至元間別兒怯不花公為江浙丞相議以本省所轄土人不得為掾史時左丞佛住公謂曰若然則中書掾當用外國人為之矣相有赧色議遂不行

蕭貞敏公夔字維斗京兆人蚤歲吏于府一日呈牘尹前尹偶墜筆目公拾之公陽為不解而止白所議公事如此者三公曰某所言者王事也拾筆責在阜隸非吏所任尹怒公即辭退隱

居十五年惟以讀書為志從公游者屢交戶外平章咸寧王野仙聞其賢薦之於世祖徵不至授陝西儒學提舉繼而成

宗武宗仁宗累徵授國子司業集賢直學士未赴改集賢

侍講又以太子右諭德徵始至京師授集賢學士國子祭酒尋復得告還山年七十七以壽終謚貞敏

文貞王阿隣帖木兒嘗言婁師德唾面自乾以為美事我思之雖狗亦不可惡他且如有一狗自臥於地無故以足蹴之或擲以物狗固不便咬人亦吠數聲而去却有甚好聽處

弓即卷字真誥中謂一卷為一弓或以為弓字及篇字者皆非

